

DISSERTATIO INAUGVRALIS MEDICA

38.

DE
FEBRI EPHEMERA,

IUSSV ET AVTORITATE
ILLVSTRIS MEDICI ORDINIS
IN ALMA SALANA,

SVB PRÆSIDIO

RECTORIS ACADEMIÆ MAGNIFICI,

GEORGII WOLFFGANGI
WEDELII,

MEDICINÆ DOCTORIS,
COMITIS PALATINI CÆSAREI,
CONSILIARII ET ARCHIATRI DVCALIS SAXONICI,
THEORETICES PROFESSORIS ORDINARIJ,
H. T. FACVLTATIS MEDICÆ DECANI,

*Patroni, Præceptoris ac Promotoris sui
ad tumbam usque devenerandi,*

PRO LICENTIA

SVM MOS IN ARTE MEDICA HONORES,
INSIGNIA PRIVILEGIAQVE DOCTORALIA,
MORE MAJORVM,
LEGITIME ET SOLENNITER
consequendi,

publica censura exposita

à

FRIDERICO Siesmann/ Cassoviensi Hungaro,
IN AVDITORIO MAIORI,

Horis ante- & pomeridianis
consuetis,

Ad d.

August. M DC XCVI.

JENÆ, LITTERIS NISIANIS.

DEO TRIVNI,
PATRONIS,
PRÆCEPTORIBVS,
PARENTI ATQVE PROPINQVIS
SACRVM!



PROOEMIUM.

Vulgatum est dictum, quod cito fit, cito perit, neque tamen vniuersale, nisi addatur, cito obseruatum, nec neglectum. Facile oboritur flamma, sed citra hanc cautelam, breui incrementum capit, pessundans & stragem edens calamitosam.

Hinc aureum monitum est diuini senis : μηδὲν εὐχῇ, μηδὲν ὑπεροχῇ, *nihil temere habendum, nihil negligendum*, quod vt in bello verissimum, ita longe magis in hostico morborum insultu, & maxime publico ac vniuersali, febri puta.

Verum est, non raro desinit opinione citius febricula, velut nubecula cito transitura apparens, sed nusquam tuta fides, in morbis quoque vbiuis cauto opus est. Vbiuis τὰς ἀφορμὰς, ἐπὶ δὲ τὴν ἡγεῖσθαι καί μιν, σκεπτεῖν, *occasions unde quis egrotare cœpit, considerare oportet.*

Omniū horum & singulorum exemplum prabet Febris Ephemera, cuius disquisitioni vberiori, loco Dissertationis Inauguralis, dum nos accingimus, diuinum supplices adimus numen, vt feliciter omnia cedant!

CAPVT I.

De

Definitione Nominali.

Um nomina sint rerum inuolucra & signacula, non incongruum fuerit, vt Ephemeræ genius facilius exhauriatur, ONOMATOLOGIÆ eiusdem euolutionem præmittere.

Quod attinet vocabulum *febris*, perinde fuerit, an a *feruore* illam putemus dictam, licet *Paracelsus* erroneum id existimet; an ab ipsis *Febris*, quæ καθάρματα notant, seruire olim ac flammis apud Romanos secreta. Vtrumque in febribus habet locum, calore enim naturali blando in feruidum mutato efferuescit corpus, vriturque, quo massa sanguinea demum despumatur, & lustratur. Mittimus alias deriuationes, vt a *Februo*, infernalis ignis Deo, Græcis alias *Pluto* dicto; vel a *feritate* morbi; aut a pisce *Febrio*, capienti eum statim febrem inducente.

Rectius a *ferueo*, quod igne supposito, caleo, bullio, notat, appellationem sortitur, naturæ febris magis congruam, siue feruore concepto ab extra, vbi ambitus corporis instar aquæ feruentis ab igne & motu continuato æstuat; siue potissimum ab intra. Hinc a Latino Germanica quoque vox *Sieber* leui literarum immutatione descendit. Græcorum vero nomenclatura idem confirmat, quibus febris πυρ, πυρετός ab igne & πυρ dicitur, vti & *Hippocrati* πυρετός audit, q. d. habitus seu dispositio ignea, vbi calor noster natus in igneum, juxta *Galenum* i. *aph. comment. 14.* conuertatur, non tamen re ipsa est ignis, sed quod talem febris habeat naturam vel quasi.

Ephamera vero appellatur ab ἐπι τῆς ἡμέρας ad diem, velut vnicum diem durans; quamuis & aliis deriuari videatur aliunde, fingentibus sibi allusionem quandam a *Φαίω* lu-

eo & *ἡμέρα dies*. Quicquid horum sit, nomen hoc ab Hippocrate iam vsurpatum antiquissimum est, & non sine ratione impositum; quippe febris huius, autore Galeno l. 9. M. M. c. 1. vnicus est paroxysmus, vt plurimum vno die ex ipsius natura circumscriptus, vt terminum suum intra XXIV. horas absoluat, nec facile vltius protrahatur.

Insuper c. analogiam temporis seu durationis, quam habet, *πολύσχιμον* est vocabulum, & multis rebus tam naturalibus quam præternaturalibus aliisque est *commune*. Imponi enim consuevit ex rebus naturalibus & quidem primo in regno *Vegetabili* variis plantis. Sic *Dioscorides* l. 4. c. 84. & 85. duplici plantæ tribuit, bulbo scil. agresti, colchici, *Zeitlosen* / speciei, quod fungorum instar venenatorum suffocet, vnde & *Theodoro* Colchicum hoc strangulatorium dicitur. Alteri vero speciei Iridis, quod vno die flores amittat, *Ephemeron* non lethale *Matthiolo* l. 4. c. 8. *Lobelio* vero *ephemeron* liliflorum audit. Sunt, qui etiam lilium convallium hoc nomine saluant. Inter exotica datur etiam planta bicapsularis, radice fibrosa floreque bipetalo, *Ephemeron* *Virginianum* denominata.

Porro ex *animalibus* designat *Ephemerum* animalculum, quod apud Hypanem fluvium, in Bosporum Cimmerium fluentem, sub solstitio æstiuo obseruare licet, desert enim ille fluuius, referente *Philosopho* l. 5. c. 19. *hystor. anim.* veluti folliculos acinis maiores, ex quibus animal volucre ac quadrupes erumpit, quod in postmeridianum usque diei tempus viuit ac volat, mox vero descendente sole marcescit & languet, occidente deinde moritur, vitam non ultra diem vnum agens, vnde *Ephemeron* seu *hemerobion* appellatum fuit. Huius descriptionem & sectionem cum figuris *Thevenot*, in *syll. Itinerum*, habet & ostendit, non nasci sed prodire ex verme, in cœnosis Rhæni & Vahalæ ripis per annos tres latitante, paucisque inde horis viuere. Conf. *Act. Lips. An. 83. p. 331*. Scripsit de hoc integrum tractatum, qui *ephemerum* depingit & ad hominis vitam moraliter applicat, *Schwammerdammius*, in asserua-

tionē & collectione insectorum aliorumque animalium celeberrimus.

Tribuit idem nomen & culici vinario *Ælianus l. 2. de anim. c. 4. p. m. 73.* Animalia, inquit, ephemera idcirco sunt appellata, quod id ætatis viuunt, vt vno die cursum vitæ conficiant; ex fece enim vini acescentis originem trahunt, apertoque dolio, vt in lucem suscepta sunt, e vita excedunt.

Vsitatius vero nostro sensu prædicatur ephemera de rebus p. n. & quidem primario de feбри nostra, quæ a tempore durationis propriæ & κατ' ἐξοχήν ephemera simplex seu exquisita dicitur. Improprie vero & latius paulo de synocha non putrida, seu ephemera plurium dierum, quatenus ex priori degenerans & producta naturam aliam haud subit, sed solum terminum ad plures dies extendit, gradu saltim differens.

Interdum vero & Hæctica tribuitur, sed itidem αἰκίος magis, ob analogum caloris vniformem decursum, vti *Helmontio l. de febb. c. 9. t. 23.* febris tabida siue hæctica quædam est quotidiana diaria, a corrupta cibi parte, mox sumptis cibis repetens. Hanc ob causam etiam sudori Anglico ephemeræ nomen, licet cum addito malignæ, inditum, dum nimirum intra XXIV. horas cum sudore, vt ephemera simplex, terminata fuit.

Audit alias Græcis ἐφήμερος, ἐφήμερος πυρετός, πυρετός, πυρετός, Latinis conuenienti quoque vocabulo *Diaria* vel febricula dicitur, *Celfo* quæ semel tantum accedit, deinde desinit. German. ein subtil / eintägiges Fieber / *Platerus* *Carfunkel* nominare amat, quod tamen nomen apud nos saltim minus in vsu est.

CAPVT II.

De

Definitione Reali & Subiecto.

PRæmissa nominis explicatione ad ipsam ephemeræ DEFINITIONEM realem progredimur, quæ sequentibus commo-
de

de potest absolui, quod sit calor lenius efferatus in toto, a fermento rarefactivo occasionali, facile subiugabili; in massa sanguinea exoritur.

GENERICIS locum merito tuetur forma seu essentia, in quo consistit & quo posito ponitur febris, quod constituit calor efferatus in toto. Prescius enim paulo dicit intemperiem calidam vniuersalem, siquidem intemperatum adesse calorem & humidi consequenter subdominium per efferationem simul innuitur. In eo autem formalem rationem febris consistere non est ut multum contra dissentientes probemus, cum febris sine calore concepta, reuera sit non ens. Essentiale enim febris requisitum a Galeno l. i. de diff. febb. c. 3. propositum, est calor p. n. seu modo & gradu in corde ascito naturalem excedens, & per totum corpus delatus, & huius indiuiduus comes pulsus citior seu naturali celerior. Quæ ipsa adesse, sensus & querela ægri, phenomenaque sufficienter testantur.

Calor hic efferatus omnino est morbosus, contrarius enim naturali, qui in calore blando, sanguinis & feri miscela, proportionem & motu æquabili consistit; ubi vero a statu naturali deflectit, seu modo & gradu superaddito excedit & præternaturalis fit, non amplius blandus manet, sed efferatur.

Efferatus hinc est principaliter ad intra, in radice & centro, effectiue magis ratione fontis ac originis, omnis enim calor ut naturalis, sic & præternaturalis in radice vitali seu corde querendus. Hinc complectitur simul calor efferatus quoque sanguinis motum turbatum, mutationemque caloris magis radicalem. Idem in effectu est ac archeus irritatus, accensus, efferatus; indignatio siquidem ejus non contraria est calori efferato. Cum enim actionum in corpore præfides sint secundarii spiritus, seu archeus, sequitur his turbatis ac efferatis etiam lædi actiones secundum naturam, quæ læsio & impotentia ut in omnibus morbis, ita & hic in archeum redundat, ut confliteretur, repugnet & indignetur. Efferatur item ratione qualitatis & gradûs; est quidem idem calor numero & specie, non a modo a naturali, sed a modo, gradu ascito

scito immutatus, qualitate alterata & intensa præter naturam, dum naturalem harmoniam transcendit, improporcionatus sic redditur vitæ incolumitati, hinc læditur sanitas, archeus, & actiones exercendi secundum naturam potentia.

Efferatus porro dicitur adæquate ad extra, seu in toto, affectiue magis, partibus enim extimis & toti corpori internus qualitatis calidioris status communicatur & inducitur. Et licet horror major vel minor præcedens, tanquam contrarius calori, obstare videatur; aliud tamen est initium ipsius conflictus, aliud paroxysmus, seu febris ipsa potius. Primo impetitur calor, & concentratur, hinc insurgit & diffunditur, adeoque in vniuerso habitu, capite, lingua, oculis, manibus, pedibus, intemperatus status caloris patet. Hinc & in centro suo ac radice exerit se præcipue calor febrilis, & in ambitu diffusus.

DIFFERENTIAM SPECIFICAM absoluit genius febris ephemeræ, qui consistit in gradu efferationis respectiue minori, quod calor sit leuius efferatus, seu leuis & mitis. Commune quidem sortem habet hæc cum aliis febribus, quod ad ignem accedat & efferatus extraneus & peregrinus sit natus calor, sed in eo differt, quod ejus energia ac euidencia variat pro differentia ipsius intemperiei. Hinc in ephemera non adeo vrens, vt in causo, ac putridis aliis, quia simplex caloris hic accensio citra corruptiuam infectionem humorum, a qua vtplurimum acris & molestus sentitur, sed adest caloris respectiue suauitas, quæ a *Galeno l. 1. de diff. febb. c. 7.* proprium ac inseparabile huiusmodi febrium dicitur indicium, conueniens omni, soli ac semper; vnde & *Ebnsina l. 4. fen. 1. Tr. 1.* calorem scribit non esse acrem, nec mordacem, sed talem, qualis caliditas corporis laborantis & ebrii.

Notio ergo huius febris specialis patet i. a priori, ratione causæ, quod sit occasionalis, nam ephemera supponit causam procatarcticam, sed non contra, quod *Galenus* testatur, cum *l. 1. M. M. c. 4.* asserit, vnum ac præcipuum diaræ esse indicium, ab aliqua causa prægressa incepisse, recenti ac euidenti, quam medici appellare consueuerunt procatarcticam, id quod tamen
de

de simplici & exacte tali ephemera intelligendum, minus de symptomatica. (2) a *posteriori*, accidentali febris constitutione, a duratione & tempore ratione typi. Mos enim huius febris ad extra est, quod breui decursu suum consequatur terminum, quod ipsam innuimus, addito, facile subiugabili. Est quidem febris suo modo continua, indefinenter enim affigit, nec interiectam habet pausam; ast quoniam causa occasionalis non tam firmam impressionem intulit, & fermentum inductum ab ea minus est tum mole, tum virtute, facile a natura subigitur & euanescit, vt efferatio exinde enata caloris levis ac transitoria saltim persistere queat.

Jam ad SVBIECTVM deuoluimur, quod ipsum, vt eo clarius pateat febris nostræ focus & locus, diuidere licebit in proprium & commune, seu subiectum causæ & morbi.

SVBIECTVM CAUSAE alias dictum inhzsionis & radiationis, vbi minera morbigica residet ac stabulatur, est massa sanguinea, communis febrium nidus. Nam cum omnis temperies a spiritibus, sanguine & sero, vtpote humoribus radicalibus & similaribus, scaturiat. & in iis fundetur, necesse est & intemperiem h. l. febrilem eos habere pro subiecto suo, siquidem febris prius se exerere nequit, quam per massam sanguineam causa in ea latitans demum communicetur cum corde, & huic eius effectus inferatur, calorque sic innatus turbetur, exasperetur & flammam concipiat.

Communi suffragio subiectum causæ statuuntur spiritus vitales, quod spiritus sit pars sanguinis tenuissima & exhalabilis semper, vt subinde de nouo generari opus habeat: cum vero febris huius periodus brevis sit ac diaria, saltim, fieri non posse, quin subiectum eius quoque cito sit dissolubile ac alterabile, hinc radicari eam in spiritibus magis, nondum fermento corruptiuo seu putredine massam sanguineam infectam. Hoc quidem sano sensu verum est & concedi potest, si intelligatur de gradu minori & affectione magis superficiali, quam centrali, transeunte quam immanente, cum citior motus spiritibus imprimatur, & ab his inferri soleat; Ast

fi a sanguine distinctos & abstractiue sumptos intelligas, facilis fit confusio. Humores enim simul patiens motu sanguinis & pulsu concitatori caloreque vaporoso seu insequente, sudore liquet, unde merito pro subiecto causali massa sanguinea habenda, & sic spiritus in concreto cum sanguine sumendi, cum calidum innatum & humidum radicale, ut & spiritus vitalis nullus detur, & in rei veritate nil aliud sit, quam sanguinis & feri *εἴρη* ac iusta dispositio. A potiori vero partem sanguinis subtiliorem spirituum nomine venire hodie in confesso est.

Helmontius quidem de febb. c. 9. l. 23. & c. 10. l. 7. ephemeræ subiectum stomachum statuit, ubi vult illam in eius cauo plerumque ex vitiatō cibo sedem habere, quod eo probare conatur, quod facile vomitu peracto cesseret; sed hoc subiectum nimis est remotum, & non concedendum, nisi sit a cruditāte & repletionē ciborum & chyli cum massa sanguinea, hinc communicata; & sic motum tumultuantem & peregrinum calorem inducente.

SUBIECTVM MORBI est duplex, vnum particulare, **PRINCIPALE** alias dictum, ubi febris se exerit primo, quod ut in genere ita & hic in specie **COR** agnoscitur. Illud enim affici primario in omni febre necesse est, siquidem non potest calor præternaturalis effundi aliunde in vniuersum corpus, nisi a corde, quod fermento peregrino incalescit prius. Enimvero, cum febris natura in caloris intensiōe consistat, nulla febris fieri, multo minus dici potest, calorque reddi effertior, nisi in corde tanquam caloris fonte accensa & suborta sit, puta cum sanguine sumpto, quæ causæ sociæ merito stant pro vna. Febrē autem cor proxime sustinere ex actionibus eius læsis, calore scil. & pulsu præternaturali, colligi potest luculentissime.

Alterum vero subiectum **VNIERSALE**, seu secundarium, quod & **ADAEQVATVM** audit, quousque se extendit ac penetrat calor febrilis, est totum corpus, quatenus miasma fermentificum ac febrile, mediante sanguinis circu-

lo, per arterias cum omnibus ac singulis corporis partibus communicatur ac infertur, inque illis varie actiones lædens, sensibus se offert.

CAPVT III.

De

*Causa immediata & mediata
proximiori.*

MIsso subiecto, vt CAVSAS jam lustremus, ordo expostulat. IMMEDIATAM hanc & proximam dicimus esse rarefactionem fermentificam vitiosam, seu expansionem & motum improporcionatum humorum vitalium. In statu enim corporis naturali sanguis & serum, tanquam liquores vitales balsamici, calorem & vitam præbentes, blande in vasis decurrunt & mouentur, suauiterque partes afficiunt. Cum vero particulæ sanguinis sulphureæ oleosæ volatiles & serosæ, ob agitationem fortio rem & fermentationem præternaturalem, expanduntur, rarefiunt plus iusto, exaltantur, massa sanguinea turbatur, ebullit & motum ferociorem subit, quibus sic in perpetuo motu irrequietis & agitatæ calor intenditur, efferatur, molestus fit & actiones lædit, e nativo blando in igneum febrilem, ex fouente in depascentem degenerans.

Non abluunt adeo, quin ad bonum sensum facile trahi possunt, qui cum *Helmontio* inculpant archeum furibundum, febri que accersentem, neque enim sibi morbum fabricat aliter, quam ab obiecto improporcionado, eiusque imperio sic non relicto integro; qui item turbatam mixtionem sanguinis accusant, quo ipso paulo remotius exprimitur essentielle febris, citra modi notionem, in quo turbatio consistat.

Rarefactionem hanc febrilem fouet **CAUSA MEDIATA PROXIMIOR**, fermentum h. l. occasionale & facile subiugabile. Omnes vero febres a fermento & quidem peregrino alterante & mouente, vno verbo turbatiuo, oriri necesse est. Posita enim in omni febre caloris intensio, oeconomia & circulatione sanguinis turbata, causa redundat in archeum, seu motorem primarium. Quoties igitur in eius sacrarium infertur peregrinum quoddam inæquale, aduersum, improporcionatumque massa sanguineæ, & qualitas, seu modus miscelæ, *κρᾶσις*, & motus, & consistentia sanguinis turbatur, vnde arrheus irritatus insurgit luctamque init cum eo, idque expellere conatur. Per fermentum autem intelligitur obiectum aliquod heterogeneum inæquale, quod miscelam & crasin sanguinis turbat ac disiicit, adeoque naturamque impetit ac irritat.

Adesse vero fermentum a priori patet, quod constat particulis heterogeneis salino-sulphureis, simulque elasticis, quod tertium fermentum specificè denotat & ex prioribus duobus emergit principiis. Salium enim ac sulphuris inæqualis miscela ac concursus contrarius inducit fermentum, vt sic in omni fermentatione hæc duo vtramque absoluant paginam. Principium vero actiuum primum salinum apparet in fermento, dum sulphur & h. l. vitale sanguinis balsamicum, varie resolueri, expandere, in motum citare & destruere valet; sulphureum vero alterum, quatenus a salibus agitaturn & exaltatum, sanguinis motum alterat, & in corde penitus euolutum & accensum, deflagratione sua calorem innatum simul efferat, quod testatur æstus abundantia.

A posteriori porro liquet, quod sit propagatiuum sui ac immutatiuum, ne dicam sæpe destructiuum, vtpote proprium & essenziale omni fermento. Dum enim hæc principia se inuicem acuunt, rarefactionem fermentificam peregrinam toti massæ inferunt. Hinc lymphæ incoquitur & diffatur, sanguis incrasatur & acrior feruidiorque consurgit, verbo, inquires & efferatio caloris, sicque febris oritur.

Quale autem illud sit h. l. breuibus in genere dispiciendum.

Scilicet *inaquale* est, ob principiorum heterogeneousitatem, cum particulæ inæquales cum sanguine & sero minus miscibiles, nec vniri, assimilari & concordiam humorum conseruare aptæ, hinc turbas mouent, confusionem & sanguinem nimis discontinuando rarefactionem pariunt.

Est porro *ocassionale*; hinc inductum magis quam in sanguinis vndis conceptum. Impellunt enim ad hanc febrem corpus inprimis dispositum errores dixitæ, seu res non naturales vitiose vsurpatæ, quæ reuera sunt occasiones tales externæ, & sic euidentes & mox manifestæ, qualitate calida & motu magis peccantes, fermentifica humorum *anæstia* inde concepta, materia vero minori materia vero minori magis dissipabili, volatili & transitoria. Hinc non immanens est fermentum, hoc loco, sed *transiens* & *facile subiugabile*, quatenus qualitas impressa haud difficulter ex subiecto suo se expelli permittit, nec sanguinis massa illam seruare diu potest, denuo semper regenerata alterataque a natura, sublata inprimis, statim ac orta febris, moderatave illius causa, breui sic, saltem durante conflictu & *inflammatione* febrili, permanens.

Qui aliis terminis vtuntur, seu acidi, seu venenosi quoque, re ipsa nil nisi fermentum tale immutatiuum intelligunt, neque difficulter conciliari & ad bonum sensum trahi queunt. Vt vero melius hæc pateant, liceat nobis ex re ipsa probe considerata statuere esse ephemeram, non minus ac erysipelas, primum modum & gradum, seu speciem febrium continuarum, leuiorem puta; cuius affinis est & symbolicum tum erysipelas, tum synochus; illa differentia inter alia, quod erysipelas a causa magis interna, ephamera a causa magis externa vel quasi tali oboriatur, synochus medio modo se habeat; fieri vero ephemeram a fermento bilioso lymphæ illato, potissimum a spiritibus fortius agitatæ & motis, quod ex sequentibus patebit. Ita vero omnia facili negotio liquent.

CAPVT IV.

De

Causis mediatis remotioribus.

Considerandæ hinc veniunt CAUSAE MEDIATAE REMOTIORES, quas diuidere licet in προϋφαινην, antecedentem, dispositiuam, & προπαταρτικὴν, seu occasionelem. Prior illa non penitus excludi potest; cum enim omne agens agat ad modulum receptiuitatis subiecti, consultum omnino est illam quoque attendere. Complectitur vero RES NATURALES, quæ sunt modi ac dispositiones tales internæ, in temperamento, habitu corporis, ætate &c. locatz.

Inter TEMPERAMENTA & huc facit *sanguineum* & *cholericum*, seu seorsim, seu coniunctim, in statu mixto, spectatum, qualis enim modus sanguinis & seris, talis sanitas, & contra. Et si enim in illo sanguis & serum, seu particulæ oleosæ balsamicæ & humidæ & volatiles, quantitate & qualitate se inuicem probe temperent; attamen cum facile excedat, humiditate præcipue, facilis hinc via est ad putredinem & accensionem febrilem; vid. D. *Præf. Physiol. med. sect. 2. c. 11. p. 82.* Visendum id in plethoricis, ubi si sanguini exuperanti & copiarum vaporum nulla datur portæ, subnascitur facile ebullitio præternaturalis, & motu maiori illato calor sic intenditur. Nullum quoque magis temperamentum feбри huic velificatur, quam *cholericum*; hoc enim ob particulas sulphureas volatiles intensas, humidis vero blandis depressis, bilis generationi; indeque humorum exstuationi præprimis inferuit, siquidem fuligines calidæ & siccæ, vt tenuiores & mobiliiores, colliguntur, cumulantur & acriores fiunt, conceptoque feruore (dum in se inuicem furere coguntur, substrato in quod alias agerent humido insufficiente,) prompte accenduntur. Hinc biliosi ad efferationes eiusmodi magis propensi sunt, si inprimis diutius ieiunent vel vigilent, vel

vel exerceantur, aut simile quid, vt exandescencia, ipsis acci-
dat, quod calorem exasperare & spiritus accendere valet. Vid.
Sennert. l. i. de febb. c. 6.

Nec abnuitt HABITVS CORPORIS densior & obessor
paulo, vbi meatus angustiores cutisque strictior & siccior, vn-
de per insensibilem transpirationem fuliginosæ superfluitates
ad exteriora mitti nequeunt, quæ igniuntur quasi, coaceruan-
tur, & accessione obstetricantis causæ alius acuuntur. Inter AE-
TATES imprimis iuniores & adolescentes facilius hanc febrem in-
currunt; vtpote qui calidioribus ac feruidioribus abundant hu-
moribus & magis ad ebullitiones inclinant, ob quam causam &
quandoque senes quoque illam experiuntur. Vid. *Forest. l. i. Obs. 3. Schol.*

Sic & *Influxus Astralis* vel *ἰδιόσυρραστα* lymphæ suum con-
tribuit, siquidem, teste *Plinio N. H. l. 7. c. 51. & Val. Max. l. 1. c. 8.* Antipater Sydonius Poeta, omnibus annis, vno die tan-
tum natali, correptus est febre, & eo consumptus est satis lon-
ga senectæ, certo illo circuitu morbi. Pacit huc exemplum,
quod *Rhodium Cent. 1. obs. 2.* de Viro religioso Patauî degente
refert, illum scil. certo certius sequenti die inuadebat e-
phemera, quoties per quietem pridie sibi visus fuisset pane
candido in iure intinto clinicis panatella vesci. Natura for-
san huic alimento per morbum ipsi familiarem adsueta, quo-
ties infestabatur, hac rei præteritæ velut imagine sensum ex-
citauerit.

Sed maxime attendi merentur CAUSAE NON NATURA-
LES, quarum data occasione externus error dispositionem
in actum magis deducere potest, quas communi ordine, ratio-
ne modi agendi & afficiendi, quatenus prauo vsu, excessu vel
defectu, positivæ vel privativæ peccantes, corpus alterare &
destructionem inferre valent, enumerare licet, diuidendo eas
in internas & externas, seu, vt *Galenus* loquitur, quæ foris ad-
veniunt & quæ a nobis ipsis proficiuntur; illæ sunt aer, cibus
& potus, hæ vero reliquæ. Inter has primus AER intemperie
sua febrilem hanc ipuitat. Præstat id calidior, moleculis sul-
phureis

phureis in motum agitat, hinc & inspiratus per pulmones, & ambiens vi sua elastica ac expansiva sanguinem attenuans, eiusque circulum accelerans, lymphæ moderamen excutens, & diffans plus justo, nimiam humorum rarefactionem inducens, adeoque corpus dissoluens, & morbificus euadens. Accidit hoc præcipue si iter, vel ambulatio diuturnior in solis radiis, tempore diei vel anni calidiori, instituat, unde & in Hispania, aliisque locis zonæ torridæ vicinis frequentior obseruari solet. Faciunt huc quoque ventus australis, calor balnei inprimis Laconici, & thermæ, longius administratz.

Idem, licet alio modo & infert frigidus nimis, quando quidem poros cutis constipando transpirationem sufflaminat, & lympham restagnare facit, vapores vliginosos facile fermentatiuos retinet, & sic euentatio ne lymphæ prohibita, tota massa conspurcatur, turbatur & flammam concipit, non aliter ac flamma, nisi ventiletur aere, in se ipsam agit & opprimitur, fortiorque euadit, licet hoc modo vix diu subsistere possit. Hinc ob ventilationis defectum densius agglomerantur particule, & incalescunt, non alia ratione ac foenum nimis madide repositum, ob ventilationem prohibitam, particulis inde sulphureis a mixtione solutis sponte incendium recipit; sic & massa sanguinea, exaltatis jam particulis sulphureis ac efferuescentis, ebullit, aque crassi naturali tandem nimis immutata versus putredinem tendit. vid. *Willis. de febb. c. 7.* quod inprimis in degenerante in putridam videre est. Hinc qui per loca niuosa ambulant vel immergunt corpus aquis frigidis, stypticis, aluminosis, tophaceis, gypseis, quæ de leui obstructiones inflammatorias producunt, facile in febrem hanc incidunt.

Succedunt huic in ordinē CIBVS & POTVS, nocentes improporzione quantitatis & qualitatis; illa iterum vel in excessu & positue, facta nimia repletionem, vel inordinata & vitiosa varietate ciborum, cruditates, obstructiones & varia fermenta generare apta, vt hinc cruditas nidorosa oriatur, vel pituitosa indeque diaria, autore *Tralliano l. 12. c. 1. p. 673. & 678.* Sic quoque a nauseabunda satietate & ebrietate, nimium ingurgitando

tando vini præcipue generosioris, sulphur inflammabile peregrinum cum lymp̃ha communicatum & a calore actuatū largius accenditur febrisque inducitur. Vel in defectu & priuatiue, inanitione ex fame & siti, lymp̃ha enim sic plus iusto exhausta, calor innatus, dum nihil vehiculi alimentique habet in quod agat, efferatur.

Qualitas vero assumptorum potiorē causæ subit rationem, siquidē quæ calidioris sunt naturæ & biliosæ, rarefactioni velificantur, lymp̃hæ φλόγωσι fermentificam & elasticitatem maiorem inducunt, sulphur seu particulas oleosas & salinas volatiles sanguinis augent & intendunt, calorem efferant, tale enim additum tali illud magis reddit tale, etiam vt h. l. cum noxa. Hinc toto die ephmera gignitur ex cibis calidioribus potuque generosiori & spirituosiori, vt sunt vinum Hispanicum, spiritus vini, aromata, piperata, medicamenta calidiora & acria, olea destillata, mel ipsum, de quo *D. Praeses* exemplum obseruauit, quendam ex melle largius paulo assumpto, calore per 24. horas intenso correptum, donec iterum moti fluctus considerent. Similiter cibi acriores, vt sunt allium, cepæ, nasturtium &c. si abutaris eis, facile feruidiorem sanguini inducunt statum, idem etiam dictum esto de medicamentis. Obseruauit aliquoties *D. Praeses* ab assumptis purgantibus, in tenerioribus & rarioris paulo habitus corporibus, etiam citra hypercatharsin, obortam ephemeram, euacuata paulo largius lymp̃ha, motu peregrino massæ sanguineæ inducto. Sic & extrinsecus admota medicamenta acria, caustica, vt vesicatoria, dropaces, sinapismi, vrticationes, spicula sua fibrillis nerueis infigunt, sanguinem in poris morantur, lympham acriorem reddunt, calorem excitant & exasperant.

SOMNVS quoque & VIGILIAE, lymp̃hæ & spirituum alternationem dispensantes, huc faciunt. SOMNO quippe nimio ligantur spiritus, obnubilantur, immergunturque penitus humoribus, vtrisque inde, motu sufficienti cessante, vegetis alias, torpor infertur, insimulque, ob impeditam alimentī distributionem plenariam, & digestionem retardatam, collecti recrementitii humores facile fermentum concipiunt, vt hinc febris eph-

mera oboriri possit. Exemplum ephemeræ a somno meridiano allegat *Rhodus Cent. 1. Obs. 3.*

E contrario & VIGILIAE immodicæ, & lucubrationes nimis diu protractæ, corpus ad flammam promptius concipiendam haud exigue disponunt, dum spiritus, & cum iis lympham ad functiones necessariam, qui nunquam otiosi sed assidue agunt, nimium insamunt & eliciunt, si maxime studiis simul seuerioribus impendantur. Resolutis sic iis & a coquendi munere aliorum auocatis, digestio in primis viis languere incipit, chyli euolutio & distributio impeditur, inde humores fiunt acriores, bilis & cruditates adaugentur, corpusque exiccatur, spiritus vero ob continuam agitationem & absorptionem feruidiores redditi exasperantur & efferantur, sicque facile massæ sanguineæ inordinatus motus ac exæstiuatio inducitur.

Par ratio est MOTVS corporis, qui si vehementior, cum violentia, fatigatione & lassitudine, transcendens *eupeptæ*, vires exoluit, spiritus in motum impetuosiores citantur, qui humores partim dissant, partim ebullitione concepta cum spumosa rarefactione in maius spatium ampliari cogunt, non secus ac vina & spirituosæ de leui quavis occasione vel motu calefacta, aut dolio strictius inclusa, feruorem concipiunt, elogio *Willis. l. de febre. c. 8.* Sic, syrio in primis vrente, exercitiis corporis variis, vt equitationibus, saltationibus, pugilationibus &c. immoderate vacando, concitator motus & feruor insolitus infertur spiritibus, qui, in corde expansi & rarefacti nimis, exinde motu rapidiori in totum corpus deferuntur, illudque exæstiuare faciunt, & sic ephemeram accendunt. Sic quidam fortius per pedes tempore æstiuo iter faciens, per totam noctem sensit calorem insignem mane iterum cessantem, obseruatore *D. Præsede.*

QVIES vero diuturnior & otiosa nil nisi cruditates parit, siquidem corpori motu conueniente denegato humorum circulus retardatur, calor vegetus obtorpet, restitant hinc excrementa fuliginosa, digestionem minus rite absoluta, coaceruata, impuritates massæ sanguineæ, ventilatione haud concessa, infe-

runt.

runt, quæ postmodum motum intestinum turbulentum seu fermentationem præternaturalem facile promouent.

EXCRETA porro & RETENTA dum naturæ legibus minus respondent, non minorem conferunt culpam. Cum nimium magis vtilia nimium quantum excernuntur, causæ priuatiuæ faciem induunt, spiritus & humores depauperant, viresque absument. Sic ab euacuatione nimia per sudorem, venesectionem, purgantia *dragmæ* fortius operantia, hæmorrhagias quascunque largius fluentes, lymphæ ac sanguis magis quam par est exhauriuntur, reliqua massa hinc magis improporcionata reddita, spiritus & pulsus citantur, calor efferatus, verbo, febris oritur.

Si vero inutilia retinentur excernenda, massam sanguineam conspurcando fermentum febrile inducunt. Sic *adipneusia*, ex obstructione pororum cutis, effluuia calida & sordida, sudore separari solita, cohibet, siue a stipante frigore externo aëris vel balnei, siue ab inuiscantibus sordibus cuti impactis orta, vnde particulæ facile fermentescibiles sanguini nuptæ, tumultuariam rarefactionem pariunt. Deficientibus mensibus, suppressis lochiis in recentibus puerperis, & lacte in mammis collecto & coagulato, febris lactaria & diaria sæpissime fit, quæ pro re nata ad aliquot dies producit. Spectat huc venus largior & immodica, sæpenumero ephemeram excitare solita.

ANIMI tandem PATHEMATA quantum ad febrem, hanc producendam possint, claro clarius est, siquidem in spiritus & humores immediatum & summum quasi gerunt imperium, quibus excessive alterando, eos vel exagitando vel concentrando, facile labem inferunt. Inprimis ira, quæ veluti feruor & exandescencia sanguinis & febris quasi ipsa est, resolutis & dissipatis nimis in ea spiritibus caloreque cordis efferato, sanguinis ad exteriora motum fortius citare ac commouere facit, quod & in gaudio, licet minori vehementia, accidere solet. Tristitia vero, timor, mœror, curæ & sollicitudines spiritus circa cor retinent, deprimunt, coagulant, suffocant, e quibus fermentum occasionale in lympham deriuatum efferationem promptam progignit. Terrore quoque incusso, a periph-

phera ad centrum repentinò recurſu ibi reuocatis ſpiritibus & humoribus, iisque coarctatis viſ vnita quaſi fortior euadit, vt hinc exæſtuare & flammam ſuſcipere facile queant. Exemplum proprium allegat *Ant. Beniuen. l. de abd. morb. & ſan. cauſ. c. 62.* ex terrore flammæ e pauimento proſilientis iniecto. Plurimorum horum exempla vel apud *Galenum* abunde paſſim congeſta & obſeruata leguntur, nedum apud alios, vt i & *Ebnſina* plurium talium caſuum, vnde oriatur, ſeorſim meminit.

RES denique PRAETERNATURALES in cenſum quoque cauſarum veniunt, ſed ephemeræ ſere nothas magis & ſymptomaticas quam exquisitas generant. Primo loco obſtructio laudanda, quæ vel interna ſeu cacochymica, cuius mentionem facit *Galenus l. 8. Meth. med. c. 4.* a ſucis ſcilicet vitioſis & impactis multis craſſis tranſpiratione prohibita retentis; vel externa, pororum cutis, de qua *l. de tuend. ſan. c. 3.* ſcribit: vapores occluſi incendium ſuſcipiunt facile ac diariam producunt. Deinde inflammationes partium leuioræ ephemeram pariunt, ſiue ſint ſimplices & benignæ, vt ex eryſipelate frequenter accidere ſolet; ſiue ſimul complicatæ cum tumore & mali moris, ſine vlcere tamen manifeſto, exque vel in locis externis, pluribus glandulis reſertis, vt in bubonibus, teſte *Galenò ad Glauc. de art. cur. c. 7.* Hinc ſæpe tonſillæ intumeſcentes, ob lympham inæqualem & fermentificam redditam, febriculam talem citant. Sic & ex mammilla inflammata diariam ſubortam vidit *Foreſt. Obſ. 6. l. 1.* idem de furunculis, & tumoribus partium aliarum calidis valet. Id quomodo fiat, per ſanguinis & lymphæ circulationis leges hodie concipere perfacile eſt, abreptis cum reſſiſ humoribus particulis fermentatiuis & cum fonte ſuo communicatis. Vel locis internis & viſcere nobili ac propinquo cordi, quod ſi inflammatione laboreat, ſuſcitari febriculam talem leuem & diariam non poſſe, nemo inſicias facile ibit.

Fit quoque, vt a lipothymia, v. g. a terrore orta, ſubſequatur ephamera, ſpiritibus prius concentratis & diſperſis, hinc penitus inſurgentibus & agitatís, donec in ordinem redeant eluctati remoras in grumeſcentia lymphæ poſitas. Dolores
iti-

itidem harum vel illarum partium febrem hanc accendere possunt, quatenus ille spiritus continuo irritat, & juxta cum lymphâ citatius impellit, vnde & vigilæ & turbationes animi enatæ calorem efferant. Sic dolor colicus, hæmorrhoidum, furunculorum, nephriticus, a pernionibus, ab ambustis ephemeram excitare solet. Par ratio est vulnerum & fracturæ ossium, aliarumque læsionum dolorificarum; dolor nempe concitat spiritus, & hi simul humores. Sic & hæmorrhoides suppressæ fermentationem sanguini febrilem diariamque efficiunt. Coryza ipsa & catarrhi acres falsi ephemeram producere possunt, lymphâ nimirum exasperata & fermentifica reddita. A vermibus quoque ipsis varii generis excitata visa fuit.

CAPUT V.

De Differentiis.

ENucleatis jam causis, supersunt DIFFERENTIÆ, quarum cognitio cum diagnosi & therapiam facili-
tet, ad eas nos nunc accingemus considerandas.

Ratione FORMÆ seu generis, & quidem quoad speciem, alia ephemera est *primaria*, sibi relicta, solitaria, affligens per se, quæ antecedit putridam & hecticam, quatenus a causa occasionali evidenti, seu rebus nonnaturalibus minus congrue usurpatis, oritur; alia *accidentalis* & *symptomática*, quæ alii morbo accidit, vel sequitur inflammationes particulares, seu a rebus præternaturalibus, ut bubonibus, doloribus magis orta.

Complicata alia ac comitata, quam vna stipant symptomata alia. Talem statuere possumus dari in erysipelate, doloribus dentium, ipsaque arthritide & podagra, quod *Helmontius l. volup. viuent. morb. t. 14.* affirmat, ubi aciditatem podagræ causam, inculpat, hinc fit, *inquit*, quod natura persentiens illam aciditatem in spiritu, quam concepit ex semine seu characterè podagrico, confestim excitet febrem ephemeram ante podagræ accessum,

Quoad *normam* seu durationem, alia est *exquisita*, simplex, quæ κατ' ἐξοχήν, citra adjectionem, ἐφήμερος & proprie & absolute sic appellatur, & re & nomine talis est, quæque normam & naturam febris ephemeræ exacte tenet ac obseruat, nec ultra diem naturalem extenditur, de qua potissimum agimus. Alia vero *minus exquisita* & magis degenerans & extensa seu spuria est, quæ cum additione, plurium dierum, ephemeræ improprie seu πολυήμερος & πύρρος vel ἐκτετακτός dicitur, quæque quodammodo re sed non nomine cum priori conuenit, quatenus ad plures dies durat & communiter synocha impuris audit.

Quoad *morem* seu genium, alia est *benigna*, mitior, qualis communis illa simplex & exquisita, salutari sudore iudicanda. Alia *grauior* & ferocior, complicata grauioribus symptomatibus, vti est syncope. Aliam *Rhodus obs. 1. c. 1.* notat, cum dolore capitis, vigiliis, deliriis & compressione pulsuum, aliisque signis a priuata corporis dispositione adeo horrendis, vt maligna videretur, semper tamen a robore naturæ largiori lotii profluuiio solutam. Aliam *maligna* & pestilens, mali moris, quæ ultra sphæram intemperiei simplicis symptomatibus prauis gaudet, vnde & quandoque epidemia magis ac contagiosa, qualis videtur fuisse ἰσπερός, sudor ille Anglicus dictus, qui etiam intra 24. horas sudore solutus, morteque vt plurimum terminari solitus fuit, conjuncta lymphæ fermenticæ spiritibus infesta malignitate. Ex quo etiam fluit, ratione *temporis* aliam esse *indefinitam*, aliam *periodicam*, qualem *Borellus Cent. 2. Obs. 100.* ineminit, quæ singulis trienniis castrensem causticum eodem tempore detineri solita est.

Ratione *SUBJECTI*, alia est *essentialis*, fitque in corde accensa lymphæ ac spiritibus primario, vt ex animi affectibus & aliis rebus nonnaturalibus; alia est per *consensum*, aliunde communicato feruore, ex inflammatione, dolore partium aliarum, abscessu, tumore, luxatione, vulnere &c. laudatis.

Ratione *CAUSARUM*, totuplex est, quot causæ illam progignere obseruantur. Tangemus vero solum, aliam esse a

causa positiua, a materia fermentifica lymphæ illata, vt ab ebrietate; aliam a *causa priuatiua*, calido efferato intensius per humidi absorptionem, euacuata plus debito lymphæ, tanquam vehiculo & inuolucro spirituum, ut a purgantibus &c.

Ratione *notarum differentialium*, differt ac distinguitur partim gradibus subordinatis a se inuicem, partim reliquis febribus. Sic nomine & gradu saltim a synocha imputri, a putridis vero aliis typo & a posteriori saltim differt. Tacemus alia, quæ ex superioribus clarent.

CAPVT VI.

De

Signis Diagnosticis & Prognosticis.

AD curationem priusquam nos conuertamus, SIGNA vt penitus eruamus ephemeram testantia, & cognitionem ejus planiorem pleniorque inferentia, debito tenemur jure. Cognitu quidem prima fronte non videtur admodum difficilis, verum accuratius & certius a posteriori, cessatione illa breui; noscenda.

Imminentem præfagiunt signa cum aliis febribus communia, seorsim procliuis corporis in eam constitutio, ratione temperamenti habitusque corporis, consuetudinis; & maxime ipsæmet causæ procatacticæ prægressæ. Saltim vbiuis cauendum quoque, ne illis positis vel prægressis vt febris alia, ita & ephamera fiat, cum reliquis non confundenda.

Præsentem vero significant & notant ESSENTIALITER INHAERENTIA, vtpote signa inseparabilia & propria seu pathognomica, quatenus nimirum morbi essentiam absoluunt & indicant, cumque eo necessario cohærent, ideoque mox in principio adsunt, semperque affectum usque ad finem comitantur, verbo, formale morbi.

Si

Signum igitur essentialē ratione vocis geminæ febris ephemeræ duplex hoc loco esse potest, commune & proprium. Commune cum aliis, est calor febrilis, latius sumtus, cuius conditio consideranda (1) ratione modi inuasionis, statim enim a principio incipit, totus repente accedit, æquali gradu permanente, cum absentia sensus rigoris extremitatum, quod ordinarie fit. Quandoque tamen coniungitur, sed leuissimè saltem, ab *ἀδυναμία*, vel frigore, idque duntaxat cum cacochymicum corpus expirationem multam eamque calidam & acrem diffundit, quæ, ob cutem a frigore densatam, aut ob exilium meatuum constipationem, suppressa ferit partes neruosas, vel causa quoque priuatiua exorta, & hoc extraordinarie magis. (2) Ratione motus, inseparabile quoque indicium inquit *Galenus l. 1. de diff. febr. c. 8.* est æqualis & liber ascensus in caliditate & pulsibus simul; non tamen proprium, quamvis his maxime insit, cum & aliis quibusdam commune, (nempe synochis & hecticis, in quibus etiam calor æqualiter, neque cum rigore inuadit) sicut etiam consistente febre mediocritas.

Proprium vero, quod ephemeræ præcipue conuenit, est calor obseruandus ratione qualitatis, est enim mitis ac suavis, respectu aliarum febrium, non tactu acris, sed halituosus, absque mordicatione & punctura, uti in putridis, sed talis, qualis in exercitatis valde, iratis ac ebriis deprehenditur. Denique ratione typi, seu quantitatis & durationis, continuus ille calor durat saltem diem naturalem, XXIV. horarum spatio inclusum, & in declinatione venit ad perfectam *ἀνύψευξις*, exacerbatione simul & semel plenarie sedata.

Patefaciunt eandem POST-ESSENTIALITER CONSEQUENTIA, symptomata omnis generis, actionum læsarum, excretorum & retentorum, & qualitatum mutatarum. In *facultate naturali*, nullum præcedit cibi fastidium, nisi a repletionē nausea-bunda; nulla adest spontanea corporis lassitudo, neque grauior somnus, neque horror & oscitatio, nullus capitis dolor, & ventriculi corporisque inquietudo deprehenditur in *animali*, comparatione cum reliquis facta. Contra ea pulsus ad harmoniam naturalis magis inclinatur, celer, sed magis æqualis. Respiratio minus

minus citatur; in excretis vrina quôque saturatio paulo, sed breui mutata in melius, quod & de cruditate præuia, v. g. ab ebrietate intelligendum. Sudor largior, *Galeno l. i. de diff. febb. c. 7.* edifferente, in declinatione emergens exactum ephemeræ est signum, suavi enim vapore vel blando & benigno madore prævio, integra cessatio sequitur, quam integritas perfectæ sanitatis excipit iterum.

Confirmant idem CAUSAE PRÆGRESSAE evidentes, febris huius parariæ, per supra dicta, quæ ex relatione ægri & adstantium patefunt, adeoque non difficulter eruuntur, quomodo characterem febrilem imprefferint lymphæ. Sic ab ardore solis, mora longiori in aere æstuante prægressa, non defensa satis parte, calor manifestum vredinis sensum eidem infert, seu caput fuerit inprimis, seu manus circa carpum, ex quo centro tristis sensus diffunditur in vicinum clima, & pulsu teste in reliquum corpus.

Sic assumpta alimentosa vel medicamentosa ephemeram induxisse, ex eorundem substantia, quantitate, proportionem & qualitateprehenditur. Sic motus, vigilæ, & reliquæ res nonnaturales, causæque evidentes latere nequeunt, modo & provide inquirantur ab artifice, & candide recenseantur a patiente vel adstantibus. Quæ etiam variant circumstantiæ phænomena, modificare quidem eadem, prout quælibet causæ agunt diuerso gradu, queunt, re ipsa tamen satis constante.

Cognitæ exacte ephemeræ facilis hinc & benigna consequitur PROGNOSIS, ratione SALVTIS & MORTIS. Et quidem in genere ex sui natura non est periculosa, sæpe absque medici auxilio per se cessat, citiusque abijt quam cognoscitur. Qui vero diariam rite cognouerit, statim poterit prædicere eam esse breuem, nec ultra terminum sæpe dictum duraturam. Exquisita enim periculo caret, inprimis si principium bene tolerare possunt, & minus maligna sed leuia eaque pauca adsunt symptomata. Imo & ob breuem.

durationem, accedente inprimis periti medici prouidentia, corpus nostrum leuiter saltim afficit, nec multum affert incommodi; & quemadmodum originem habet in subiecto minus stabili, sed tenuissimo & facile reparabili, seu vt eius generatio celer, ita solutio talis quoque erit. Non tamen est negligenda, quamuis velocis & bonæ terminationis sit, cum possit propagines malas gignere, & per accidens periculosa fieri terminatione & degeneratione in alias, ex incuria maxime & negligentia ægrorum.

Prædictio hinc desumenda a causarum, a quibus producuntur, diuersitate earumque vehementia, vnde facilius vel difficilius tolluntur; hoc si sit, ne degenerent in alias febres, periculum adest. Sic ex cruditate & corruptione ciborum nidorosa, inprimis si aluus fuerit lubrica, minus noxia; si adstricta, grauior est & periculosior. Sic quoque si ab adstrictione cutis vel a *στυφότητι*, minus manent intra terminos ephemeratum, illæ enim simplicem non solum intemperiem, calidam excitant, sed & vitiosos humores in corpore vel generant vel retinent. Hinc sæpenumero, in cacochymicis præcipue, in putridas post aliquot dierum cursum, aut, si mitiores humores, in synocham citra putredinem, seu *πολυμύκη* *πυρεξίαν* transeunt. Si magna obstructio facta sit, autore *Galeno* *l. 8. M. M. c. 4.* febris non erit ephmera.

Si ab inedia eaque longiori oriatur, facile in hecticam transire potest, disposito inprimis corpore sicciore. Animi affectus subiti sponte fere cessant, leuiioresque pariunt ephmeras; ex vigiliis tamen qui ea laborant, facile in ardentem incidunt, humoribus plus iusto fufis ac calefactis. Ab inflammationibus externis, (ab internis vero viscerum peiores sunt,) vt ex inguinum tumoribus seu bubonibus, vbi calor ephemeræ saltem est consensualis, si omnia accidentia statim minorentur, salubris erit, hinc & *Cons. 4. aphor. 55.* omnes febres ex bubone præter ephmeras malas pronunciat. Quando

do vero causarum diuturnitate ultra diem perdurant in corpore plethorico, degenerant in synocham. Sic a medicamento caustico continuato nimis in corpore bilioso exsanguis oborta ephmera, cum dolore intensissimo in hecticam trasmutata fuit, apud *Forest. Obs. 7. l. 1. Schol.*

Ratione LONGITVDINIS & BREVITATIS, exquisita nomini conformem seruat terminum & desistit post primam accessiorem; minus legitima ad triduum vel quatrimum prolongatur, & si longius perduret, nomen amittit. Vbiuis vero a posteriori magis hæc longitudo & breuitas, imo tota febris æstima-

MODVS EVENTVS duplex esse solet, vel *solutio benigna*; quæ vix nisi *ἀνύστος* paulo *επις* appellari meretur, quippe non morbus acutus est, quia brevis & levis, caretque malis accidentibus illi familiaribus. Terminatur ordinarie sudore vaporoso naturali non admodum multo vel largiore, sed leui, aut madore paucò, soluiturque sic absq; omni exacerbatione, sibi relicta. Vel *degeneratio* in alias deteriores, siquidem vel ob vitiosam corporis affecti constitutionem, vel ob commissum nouum in aliqua, diatæ parte aut medicamenti errorem, vel ipsius fermenti prorogatum somitem, mutationis periculum verendum est, quod sit in genere, si ultra statutum tempus diutius perduret quam par est, nec sudor cum *ἀνύστος* plenaria & pulsu æquali acciderit, vel si æger sudauerit, tamen ex integro non desinat febris, elogio *4. aphor. 56.* vel si dolor capitis, comitans ephemeram, perseverat constanter; quæ monstrant in aliam conuerti febrem, per propria signa eruendam.

Præstat hinc & medicum & ægrum cautum esse. Medicum, ne statim febris signis præsentibus vel ephemeram exclamet, adeoque negligat, fallendus facile insidiis, & morbi statu immutato, vt quod turpe est eidem non minus ac duci bellico, dicere cogatur: non putaram. Ne item febrem reuera diariam, vel quasi talem, eamque sua natura leuiculam & breui desituram, præcipitet in aliam, vel prognosi lata, vel male tractato morbo. Ægrum vero, ne in crastinum differat res serias, hostemque vel

negligat, vel plus iusto timeat, in eosdem offendens scopulos.

C A P I T U L U M VII.

De

Curatione generali, & speciali ex fonte Chirurgico.

Cognita hæcenus febris ephemeræ natura cum suis causis & signis, CURATIONEM vt jam, tanquam præcipuam medendi partem, subjungamus necesse est. Vtut vero communiter nec difficilis videatur earum curatio, nec utilis, quod per se mediante sudore cessare soleat, & raro ad eius curationem vocetur medicus; cum tamen non sit vnius generis, cum facile in alias grauiores degenerare queat, & principiis obstandum sit, nec leue quoque negligendum incendium, præstat vbiuis circumspectum esse, nec in his imparatum offendi medicum.

Absoluitur autem, ex Methodi Medendi legibus, tribus INDICATIONIBUS, CURATORIA, PRÆSERVATORIA, & VITALIS. CURATORIA motos componere fluctus, & massæ sanguineæ illatum feruorem debite compescere, adeoque fermenti peregrini distillationem attendere iubet. PRÆSERVATORIA causas fouentes respicit, auferendo præsentis, materiale incendii, restaurando defectum absentium, & maxime fermenti multiplicationem. VITALIS vitium, spirituum, lymphæ, viscerum tonum ac robur & hic, quantum optis, cordi habet.

Hiscæ indicationibus præsidii ex triplici possumus satisfacere fonte, & quidem Chirurgico, Pharmaceutico & Dietetico. Si vllibi vero, sane in ephemera in singulis præsidiiis attendenda est methodus Hippocratica & probe distinguenda, prædictæque constans, ne ordo inuertatur temere.

Ex

EX CHIRURGIA primum occupat locum venæ sectio, magnum & generosum nimis remedium, febrique huic minus fere proportionatum. Qui facile venæ sectionem indulgent, eique fauent, & in ephemera illam admittere leguntur, ad ventilandum sanguinem mature, & particulas calidas, ne accendantur, remouendas, vt etiam apud *Willisum l. de febb. c. 8. p. m. 163.* in iuvene, habitu corporis athletico, ab immodico vini generosi potu, admissa fuit. Res eo redit, vt summatim nos expediamus, venæ sectionem non conuenire nisi a causa positiua, eaque urgente, metu grauioris mali, ab euacuatione aliqua sanguinis suppressa, corpore plethorico, adeoque præsentè indicatione. Sic si mensium fluxus non eueniat, prægressa ira, ac febris eiusmodi accidat; si a vulnere capitis, præsentibus laudatis circumstantiis, inflicto ebrio eadem eueniat, & similibus alius, agro præsertim adsueto, admitti potest. Si item extendatur paulo, maxime synocha facie apparens, locum eadem habet; in aliis vero casibus non temere, hoc quidem titulo ephemeræ, instituenda. Idem dictum esto de CVCVRBITVLIS, venæ sectionis succedaneis, quæ tamen aliis in febribus vniuersali nomine minus frequentantur.

Referendæ quoque huc FRICTIONES, in hac febre antiquitus usurpatæ, quæ certis casibus non sunt de nihilo, ad promouendum transpiratum, inprimis si cutis densior & adstricta, vel occasione bubonis, & rheumatismi alicuius morbus enatus fuerit; laxant enim & aperiunt poros, vt materia in halitus conuersa euacuetur, & perspiratio liberior reddatur, calorque natius roboretur. Curandum vero, vt leuiter & molliter peragantur, nec longæ sint, alias magis attrahuntur humores, & affluxus citatur. Simul vsum inueniunt, adhibitis pulueribus cypriis, in capite, in crinonibus, litibus ex melle & aliis, quorum sum & vnguentum *Aetii* ex nitro & oleo retuleris.

Et INUNCTIONES enim eiusmodi olim quoque solennes erant in ephemera curanda, hodie itidem rariores, præterquam topica, seu locali indicatione præsentè.

BALNEVM sequitur, cuius olim in ephemera potiore habebant rationem, eoque vt plurimum solo, habita simul victus ratione, eu-

ram instituebant, quod *Galennus* propria experientia *l. i. diff. febr. c. 2.* testatur, quando scribit: nos vero re ipsa hoc millies probauimus, prima accessione finita lotum hominem, ac post mediocri cibo refectum, ad consueta opera transmittentes, ut qui alteram febris accessiōem sensurus non esset, neque nostra nos fefellit opinio. Verum est, iuuat balneum diarias, uti cum *Hallerio* plurimi eius virtutes collaudant, si ab vredine, quia refrigerat & humectat, si a frigore, calefacit, si a lassitudine & rarefactione cutis nimia lassatum corpus, reficit, si a castis adstrictione & siccitate, relaxat ac humectat.

Cum vero apud Europæos & inprimis Germanos tanta balneandi frequentia, & in illis apparandis diligentia, ac antiquitus Ægyptiis & hodiernum adhuc locis calidioribus & orientalibus obseruata, minus in vsu sit, corporaque haud promiscue, ut illis, in balneum mittenda, utpote quæ impuritatibus sæpissime scatent, hinc plus damni iis afferri posse verendum, ne actuentur magis cruditates, ut faciliorem accensionem subire valeant.

Hinc *Trallianus* non incongrue optimum quidem & præcipuum defatigatis lauacrum scribit, sed citra rationem adhibitum non paucos insigniter offendere, plethoricos & cacochymicos. Adde ex cruditate, repletione, retentis euacuandis, fluore alui vel catarrho alisque enata. Eorum vero in locum pediluuium in vigiliis, lassitudine, motu fortiori & astu solis causa vicem subeuntibus, substituendum, vel abstersiones cutis sudorumque aqua tepida, seu fotibus, ex emollientibus, abstergentibus, & roborantibus, decocto *serpill. capill. & is, hysop. organ. chamom. melilot. fœnic.* & aliis institutas suademus.

CAPVT IIX.

DE

Remediis Pharmaceuticis.

Chirurgiam excipit PHARMACIA, quæ sub se comprehendit & Purgantia & Alterantia, interna & externa.

Euacuantia hic prima fronte non aq̃ue necessaria apparent, neque iis promiscue curatio occipienda, vel absoluenda.

Non

Non habent locum, si a causa priuatiua oriundus sit morbus; habent, quando fomes in primis viis hæsit, aluo adstricta, cruditatibus, flatibus coniunctis, præuia ebrietate & infarctu minus superando, nisi fiat euacuatio. Ita vero in prima herba extingui potest morbus, minera pituitosa vel biliosa ablata, vocando in vsum.

LENIENTIA, e *sirup. rosar. solut. pilul. aloët. violat. rosat. aloëbangiæ. sennat. elect. lenitiv. pulpa tamarind. spec. diasenn. brodio laxatiuo*, acuendo *Pro Olat. crystall. vel cremore Fri.* Et vel Clyster leniens & refrigerans suffecerit, vbi aluum expedire ex vfu videatur, ex radicibus herbis & floribus emollientibus, cum appropriatis scopo remixtis ac apparatis.

PRÆPARANTIA & Digestiua magis, vbi mora conceditur, conueniunt; vt & **PURGANTIA** propriis dicta, neque enim hoc loco vltra *sennata*, vel *rhobarbarina*, aliaque id generis excusandum fuerit, imo fere ne his æque opus est.

VOMITORIA vero, quando ob cruditatem biliosam vel pituitosam, cum farragine maiori collectam, iis opus videtur, magis præsentaneum edunt effectum, vnde & ex *Helmontii* mente, & a vomitu, vel peracta digestionè, sponte cessat. Hinc præsentè cruditate tali vel repletionè, præuia ebrietate, vel congestionè prægressa, cum ructibus & grauitate ventriculi, ne sabutra ibi residens massam sanguineam intumescat, emeticum, ad malum radicibus tollendum, propinari potest, data *V. bened. Ruland. O. O. l. q. emet. extr. asari*, aliisue in brodio carnis facile assumendis, minori tamen magis dosi. Ita enim & auferre nidum morbosum & anteuertere aliam febrem licebit.

Eodem communi adiumento præsto sunt **DIAPHORETICA** quæ vti febrium sunt panacea quædam, ita & ephemeræ curandæ apprime debentur, fermentum rarefactiuum corrigere & diffusionem illius tollere, vnaque per blandum sudorem exterminare, apta nata, in quo vnice huius febris solutio & salus consistit. Meliora vero sunt & præcipua *Bezoardica*. Vti enim nusquam tuta fides, ita præstat & hic circumspèctum esse & via regia incedere, præcipue in bubonibus, tumore glandularum aliarum, febribus puerperarum, stagnatione lactis, arthritide vel erysipelate quoque imminense, imo & in

gene-

genere ne in putridam continuam vel malignam fiat conuersio. Profunt hoc nomine præcipue media & aliquanto volatiliora, vt & de feri & consequens immutatio fermentifica febrilis tanto præsentius expugnetur. Instar omnium esse queunt *Ra bezoardica* *Rolf. Mich. Wedel. Ludou. mist. simpl. esf. myrrh. balsam. ihericac. liquor. C. C. succinat. fermentum bezoardicum viperinum, diascordium Fracast. Gum diaph. bez. minerale, Fle, Ale, pulu. bez. Wed. mai. & min. spec. de hyacinth. pulu. Pannonrub. & alia.*

Ex DIVRETICIS in usum trahenda temperatiora, quæ lympham contemperando & reparando feruorem & sitim mitigant, quatenus sulphur accensum obrundunt, volatilitatem peregrinam rarefacientem fermenti figunt, & scortas biliosas ex massa sanguinea abstergendo per vias urinarias præcipitant & educunt. Inseruiunt huic scopo acidula & alia, vt *Ra fl. 4. cord. bellid. pap. rhæad. & Sis, Di, Di philof. Dosa* item præcipue, nisi quid obstat, ex *clysf. & Aat. & Dulo. & Hiat. arc. dupl.* aliaque huiusmodi aperientia, quæ & ipsa potui consulto possunt indi, consentiente ventriculi tono & alui statu.

Colophonem addunt omneque absoluunt punctum ALTERANTIA, confortantia, cardiaca, principia vitalia, spiritus, sanguinem & lympham moderantia & conseruantia. Sic propinanda frigida & humida ex aquosis acidis & confortantibus spirituosus, v. g. ex aquis refrigerantibus cordialibus, hepaticis, analepticis, vt *acac. acetos. ceras. nigr. endiv. scorzon. fauic. fl. borag. bugloss. cinam. f. v. quas cruditas, lassitudo, vigilia, moerore & aliæ indicant causæ; vt & ∇ prophyl. Sylv. bezoard. Rul. Cordial. H. S. frig. C. C. citrat. Waldschmid.* Sic ex acidis, præter superius memorata, *sr. rubi idæi, berber. rib. acetos. citr. corall. julap. violar. comp.* ex confortantibus vero *conf. de hyacinth. alkerim. incompl.* quæ & in curis & lassitudine trilitiaque conducunt; semina quoque *4. frig. maj. pap. alb. amygd. ambros.* aliaque id genus; ex quibus facile julepi, mixtura, potiones, emulsiones, & aliæ formulæ formari & pro indicantium modulo variari possunt, saporem pro re nata illis *sirupo gr. Korm. pap. rh. gemmat.* & dictis aliis conciliando.

Tacemus roborantia specifica, stomachica, hepatica, vterina, neruina & similia, ex suis loculis sumenda, quæ causam coniunctam & fouentem, vt v. g. cruditatem & vomitum, ictericum insultum, tormina post partum, articulos, & sic porro respiciunt. Hæc enim cum bezoardicis & diaphoreticis maritata specificæ magis satisfaciunt indicationibus. Sic colicæ si coniungatur ephemera, & torminibus dictis, carminatiua; sic calculo, resoluentia & anodyna; vomitui theriacalia; arthriticis cinnabarina optimo consilio maritaueris.

Enimvero causæ hæc fouentes in nullis fere febribus magis attendi merentur, vti, præter dicta, sæpe in ventriculo hæret mînera, *elix. propriet.* \oplus *Gli Myns. stomach. Mich. Rolf.* & aliis corrigenda, additione *M. S.* v. g. ad febrem simul habito respectu. Vtrobis præcipitantia & confortantia laudem præcipuam merentur, modo securi simus de malignitate, quamobrem *concha preparata, mater perlar. corallia alba & rubra, ebur f. Δ ppr. cinnabaris natua, puluis epilept. March. absorbens Wed. analepticus Minder. spec. diarrhodon, diatr. sand.* & alia, forma sicca, media, & fluida aptari varie possunt. Præstat tamen semper primum, scopum attendere, nec nimis ad hæc diuertere secundaria.

Singulis pondus addunt *anodyna*, maxime si a vigiliis, doloribus, diarrhœa, catarrho, euacuatione nimia per hæmorrhagias & aliis morbus fuerit ortus, vt *mag. anodyn. Ra anod. laud. opiat.* reliquis, pro re nata, refracta tamen dosi addenda, vtpote quæ caloris æstum & sanguinis motum concitatiorem placant, omniaque indecenti cursu conseruant. Ita verò & symptomatibus satisfit vrgentibus ipsis,

TORICA tandem prioribus, ratione indicationis variæ, subordinanda. Sic, si dolores & vigilie exuperent, temporibus inungi possunt *ungu. rosac. alabastrinum, populn. & alia.* Epithemata item frontalia ex ∇ *verben. puleg. aneth. hypnot. Dorncr. ros. f. sambuc. + rosac. rutac. mithrid.* \odot *anod. extr. croc.* profunt. Stomachali regioni, si ex cruditate, ebrietate, repletionem, & vbi roborandum est, applicanda balsama stomachica, sacculi roborantes & carminatiui, emplastrum *de crassa panis, de bacc. laur. stomach.*

Crat. Pulvis epithemata ex *zedoar. sandalis, rosis, spec. diatr. sand. cord. temp. pro epith. cord.* cum ∇ *carf. aur. ros. † ros. & bez.* quæ aliunde satis nota sunt & huc repeti possunt.

CAPVT IX.

De Diæta.

Agmen claudit DIÆTA, seu retum sex a. n. dictarum legitimus vsus. Cum enim ex iis quantitate & qualitate peccantibus frequentissime oriatur, necesse quoque videtur, vt ad eius curam facilitandam earum rectam habeamus rationem.

In VITALI AER sit temperatus, a frigido enim vti transpiratio impeditur, sic a calido febris magis fouetur. Vitetur ergo vterque excessus. Faucat tepor blandus transpirationi, etiam quando a causa calida febris orta fuerit.

In NATURALI victus in vniuersum sit mediocris, *εὐχρηστος* & *ὑποκρίστος*, ad frigidum ac humidum inclinans. Quam in rem inseruiunt cremor ptisanæ, juscula auenacea, carnes gallinarum, caponum cum pasfulis, succo citri, lactuca, acetosa & similibus ad gratum saporem condita, quæ vtpote refrigerant, humectant, sitimque placant. Carnes quoque animalium juniorum, vt vitulina, caponum, perdicum, pullique gallinacei & columbini, pisces item saxatiles suo modo concedendi. Vitanda sunt nimium salsa, acria, aromatisata, calidiora, dulcia, facile calorem intendendo fermentationem febrilem conciliantia.

POTVS sit paulo largior, nisi alui laxitas id contraindicet, cereuisia tenuis, hordeacea, & bene defecata, alterata acidulis, *de-aq̃tum* item *hordei* cum C. C. vt & acidulæ contemperando feruorem prosunt. Vinum non temere concedatur, præterquam *ὀρε-γος*, ne feruorem conceptum, dolorem capitis aliaque augeat.

In ANIMALI SOMNVS & VIGILIAE, MOTVS & QUIES debitam seruent alternationem, moderatumque vsum habeant, quorum alterutra si excesserint, debitis modis corrigantur. Quie-

tivero & fomno magis indulgeat æger, proximum enim, ex motu laborioso & lassante corpus, vigiliis, inedia, ira &c. excitata ephemera, sunt leuamen, dum reficiunt spiritus viresque restaurant, motum sanguinis retardant ac refrenant, corpus simul humectant ac refrigerant.

Inter EXCRETA Alius, menses, hæmorrhoides, sudores ordinem suum seruent, quod si non fiat, freno vel stimulo moderanda omnia. Inprimis alius minus respondens, clysteribus lenientibus, & refrigerantibus, suppositoriisque lubrica reddenda est.

ANIMI PATHEMATA ad *iduplicat* componantur tranquillam. Curæ, ira, tristitia exulent.

SOLI DEO GLORIA.

Non vna medicus, ceu fungus, luce diei
Nascitur, haut anni est vnus illud opus.
Vel febris monstrat, quæ quanta, diaria, poscat,
Ne supra sphæram restitet ipsa suam.
Tu breue, Tu longum spatium superare labore
Doctus es, vnde Tibi digna tiara venit.

*Plausu votino hoc & gratulatione honores summos
ex merito Capessenti felices esse exopto*

P R Æ S E S.

Febri Ephemeris hîc descripta est perbenè, LIEFMANN,
Dexteritate pari reliquis si feceris artem,
Febribus, euge! feres ægris tam, quàm Tibi multa
Commoda, & adsurgat non uno fœnore nomen.

*Clarissimo Domino Doctorando
honores, quos capessit, felices esse precor,
properante quidem calamo*

RVDOLFVS WILH. CRAVSIVS, D.P.P.

Ut curas longas peperit Tibi *Ephemera*, longas
Sic febris laudes ista brevis pariet.

Gratulationis ergo
nobilissimo Domino Doctorando,
Fautori & Auditori suo honoratissimo,
scrib.

JO. HADR. SLEVOGTIVS, D.
Anat. Chir. & Botan. P.P. Med. Duc. Sax. Prov.

Burgens ächter Sohn! geh zeige dich der Welt/
Mit dem/was dein Papier gelehrtes in sich hält.
Weiß auf und laß ist sehn/was Fleiß/was Kunst und
Tugend/

Das Kleeblad edler Zeit für Honig deiner Jugend/
Bemühter *J E F M A M M*/schenckt: Und mer-
cke diß dabey/

Daß obwohl deine Schrifft von jenem Fieber sey/
Das einen Tag nur währt/dennoch die kluge Säge
Selbst die Gelehrsamkeit des Purpurs würdig schätze.

Hiermit solten bey dem Herrn Doctorando
ihre Schuldigkeit glückwünschend
abstatten desselben etliche

Gute Freunde.

~ (o) ~